



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-577-3/25
Banja Luka, 12. 6. 2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 19. stav (5) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), postupajući po zahtjevu [redacted], generalni direktor Direkcije za civilno vazduhoplovstvo Bosne i Hercegovine donosi:

RJEŠENJE
o odbijanju zahtjeva za pristup informacijama

Odbija se zahtjev za pristup informacijama koji je podnijela [redacted] iz Sarajeva.

Obrazloženje

Dana 30. 5. 2025. godine, Direkcija za civilno vazduhoplovstvo Bosne i Hercegovine (u daljem tekstu: BHDCA) je, poštanskom službom, zaprimila Zahtjev za pristup informacijama na osnovu Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), u kojem podnosilac zahtijeva sljedeće informacije:

„1. Da li je ikada i za jednog zaposlenog u BHDCA, dok je koristio zakonsko pravo odsustva sa posla radi bolovanja, upućen email drugim zaposlenim sa zahtjevom da mu/joj ne dostavljaju e-maile, odnosno da je/ju ne stavljaju u kopiju e-maila? Informacija se odnosi na sve zaposlene, te na državne službenike koji rukovode organizacionim jednicima unutar BHDCA.

2. Da li je ikada ijednom zaposlenom u BHDCA, dok je koristio zakonsko pravo odsustva radi bolovanja, promijenjen status u predstavljanju u međunarodnim tijelima tj. da je umjesto tog lica koje je na bolovanju imenovano drugo lice? Informacija se odnosi na sve zaposlene, uključujući i [redacted]

3. Da li su zaposleni koji su koristili/koji koriste zakonsko pravo odsustva sa posla radi bolovanja, o promjeni statusa u predstavljanju u međunarodnim tijelima (da su zamijenjeni, a ne da ih mijenjaju u odsutnosti) o tome obaviješteni i kojim putem, te da li im je dato obrazloženje za tako postupanje. Ukoliko je odgovor potvrđan, tražim da mi dostavite dokaz, ukoliko je isti odričan, potrebno je da navedete da je odričan. Obrazloženje koje nikada nikome nije dostavljeno, ne tražim da dostavljate ni meni traženim rješenjem, posebno jer bi se radilo o obrazloženju post festum (nakon postupanja i dostavljanja obavještenja putem emaila).“

Postupajući po navedenom zahtjevu, BHDCA je utvrdila da isti podliježe ograničenjima propisanim članom 19. stav (5) Zakona. Naime, navedenim članom je propisano da će institucije Bosne i Hercegovine ograničiti pristup informacijama koje se tiču jednakosti stranaka u sudskim postupcima i efikasnosti pravosuđa, postupcima koje vode nadležni organi u prethodnom krivičnom ili disciplinskom postupku za vrijeme trajanja tih postupaka, osim ako posebnim zakonom nije drugačije propisano i ako bi se objavljivanjem informacije onemogućilo efikasno, nezavisno i nepristrasno izvršenje odluke ili sankcije institucije Bosne i Hercegovine.

S tim u vezi, protiv podnosioca zahtjeva za slobodan pristup informacijama [redacted] pokrenut je disciplinski postupak Rješenjem Agencije za državnu službu Bosne i Hercegovine, broj: 05-34-3-406-3/25 od 19. 5. 2025. godine.

Stranke u prethodno navedenom disciplinskom postupku su BHDCA i državni službenik [] koja je zaposlena u BHDCA. S obzirom na to da disciplinski postupak još uvijek nije okončan, udovoljenjem predmetnom zahtjevu došlo bi do povrede načela jednakosti stranaka u disciplinskom postupku što je i propisano članom 19. stav (5) Zakona. Zbog svega prethodno navedenog, BHDCA smatra da je predmetni zahtjev upućen radi ostvarivanja povoljnijeg položaja u navedenom postupku koji se vodi protiv imenovane iako joj je poznato ili bi joj moglo biti poznato da BHDCA ne raspolaže traženim informacijama i službenim evidencijama koje se odnose na predmetni zahtjev.

Kako podnosilac zahtjeva, u skladu sa članom 22. stav (2) Zakona, nije naznačio način prijema informacije, ovo rješenje sa traženim informacijama biće dostavljeno na adresu navedenu u zahtjevu.

Uputstvo o pravnom lijeku: Protiv ovog rješenja može se, u skladu sa članom 28. stav (2) Zakona, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo.

Generalni direktor
Zorislav Ivanović

Dostavljeno:



71 000 Sarajevo,

- a/a.

